

Zeitschrift: L'ami du patois : trimestriel romand
Band: 16 (1988)
Heft: 62

Artikel: "Le botyè a Tobî" : patoisants fribourgeois : Vevey et environs
Autor: Chudan, P. / R.S.
DOI: <https://doi.org/10.5169/seals-242026>

Nutzungsbedingungen

Die ETH-Bibliothek ist die Anbieterin der digitalisierten Zeitschriften auf E-Periodica. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. Das Veröffentlichen von Bildern in Print- und Online-Publikationen sowie auf Social Media-Kanälen oder Webseiten ist nur mit vorheriger Genehmigung der Rechteinhaber erlaubt. [Mehr erfahren](#)

Conditions d'utilisation

L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. La reproduction d'images dans des publications imprimées ou en ligne ainsi que sur des canaux de médias sociaux ou des sites web n'est autorisée qu'avec l'accord préalable des détenteurs des droits. [En savoir plus](#)

Terms of use

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. Publishing images in print and online publications, as well as on social media channels or websites, is only permitted with the prior consent of the rights holders. [Find out more](#)

Download PDF: 31.03.2026

ETH-Bibliothek Zürich, E-Periodica, <https://www.e-periodica.ch>



No chin pou-t-îthre on bokon in rêtâ po vo bayi di novalè dè nouthra chochyètâ. No j'an tinyê nouthra dêrîre athin-byâye jènèrale le 30 d'èvri ou kâfé Bel-Air a Vevè. Nouthron prèjidan in tsêrdze, Médé Hyemin (Amédée Clément) chè bayè kouâ è ârma po ke tot' alichè bin. E l'afère i va kemmin chu di ruètè.

Nouthrè finansthè no bayon pâ l'okajyon dè no fère dou pochyn. No j'an on bochè ke fâ di mèrâhyo, l'è a non henri Thorin. Né on-in dèpinchè, mé n'in d'a.

No j'avan i Divê: le rathinbyèmin a Vounetz a la mi-ou, pu nouthra chayête anuèle è, anfin la Fitha di kothemè è viyè moudè in 1989.

Le komité chàbrè chin tsandzèmin:

Prèjidan: Amédée Clément, Le Mont-Pélerin

Viche-prèjidan: Joseph Chassot, Vevey

Chekrètéro: Raymond Sudan, Bulle

Bochè: Henri Thorin, Corseaux

Adjoin: Villard André, Lausanne

Bossel Georges, Vevey

Chekrètère i kon-

vokachyon: Chassot Anne-Marie, Vevey

No j'an, du sèptanbre a juin, ti lè mê oun'athinbyâye avoui lethon dè patê baya pê le chekrètéro; è, din l'an, 3 match i kârtè, ouna chayête è ouna vèya-marinda.

Ti lè j'an, no fan vinyi "Lè Grahya" dè Lojena ke vinyon no dzuyi na pîthe dè tèâtre. No j'è j'ou bayi dè rèkathalâ na vouërba kan no j'an yu "Chènya inchtalè la radiô" dè F.-X. Brodâ. Nouthrè fèlichitachyon a ti.

le chekrètéro:

R. Chudan.

Chayête anuèle din le Jura

1e 10 dè juyè 1988

* * * *

L'è râ dè chè fère a promenâ in
kâr menâ pâr on bi barbu din na
vithîre dè chatin. Nouthron
chôfeu irè a non Yves Barras dè
Nèrivouè, tyin bi l'armayi!

Pêrto yô no j'an pachâ, nyon

vuityivè le kâr ma chi ke le menâvè.

No j'avan, din nouthron groupèmin, bin kotyè bredzon ma
pâ atan dè dzakiyon, chin ke l'è règrètâbyo.

No j'an j'ou l'okajyon dè vejatâ on "musée paysan et ar-
tisanal" bâti in 1503. Tyintè retsèthe ke li-a inke dedin:
no j'an pu admirâ to chin ke pou avê din na méjon tsan-
pîthra è, in dè pye, na fèrvâdze, on-atelyé dè tsapouè
avoui totè lè badyè ke nouthrè j'anhyan inpyéyivan.

Na mache dè têrmo patê chon rèchayê è on chè fajê on pyé-
ji dè ch'intèrodji chu na fouchêre, di lardêrè, di fouron,
on redyè, di j'inkochêrè, di j'lêchè, di tsèru di pye viyè
tantyè i dêrirè, totè chouârtè dè tsê, dè bori è to le
richto. No j'an j'ou la mèyou lethon dè patê. Che chin
vo di dè li alâ, l'è a la Chaux-de-Fonds in fathe dou
"Musée de l'Horlogerie".

Apri avi bu l'apèrô chu pyèthe no no chin promenâ a tra-
vê di balè kanpanyè è di galé velâdzo, pu on goutâ no j'è
j'ou chèrvi a Brot-Dèchu.

On dêri l'arè a Chinta-Krê è no chin rèarouvâ a Vevè. On
ch'è tyithâ bin-a règrè apri na dzornâ pyêna dè chèlà è
dè bon chovinyi.

No poran pâ veri ha padze chin rèmarhyâ è fèlichitâ dè
to nouthron kà dè patêjan lè j'organijateu: nouthron
prèjidan Médé Hyemin è nouthron viche-prèjidan Dzojè
Tsacho.

R.S.

